



## Universitätsbibliothek Paderborn

**R. P. Pauli Segneri Societatis Jesu Brevis Vitæ Historia  
cum ejusdem Concordia Quietis & Laboris in Oratione,  
Expositione in Psalmum Miserere, Considerationibus de  
Inferno, Expositione Cantici ...**

**Massei, Giuseppe**

**AUGUSTÆ Vindel. & DILINGÆ, 1707**

**VD18 12383155**

cap. 11. Ostenditur, quanti Meditationem fecerint homines Sancti non ad  
alios tantùm, sed etiam ad se ipsos perficiendos.

[urn:nbn:de:hbz:466:1-47773](#)

## Caput XI.

*Ostenditur, quanti Meditationem fecerint homines  
Sancti, non ad alios tantum, sed etiam ad se i-  
psos perficiendos.*

## I.

**V**Idetur res captu difficultima, quod, si Homines Sancti prædicti fuissent dono Contemplationis perpetuo, prompto, ad arbitrium ipsorum utibili, unquam amplius per omnem vitam ad meditandum induci potuissent. Quis enim est, qui cum in horto suo habeat fontem copiosum, qui areolas omnes officioso curu abundanter irriget, plantis omnibus, omnibus herbis humorem affundat, labore illo amplius fatigari dignetur, qui ad aquam è puto hauriendam requiritur?

Ex duobus igitur alterutrum dicendum erit: aut, quod ipsi donum ejusmodi ut sibi debitum non expeterint, & idcirco semper obligatos se agnoverint ad strenue laborandum, nea quam destituerentur, tanquam Homines ad hoc facti, nati ad laborem: *Homo nascitur ad laborem:* aut quod Job. 5. DEUS ne quidem Animabus tam sibi dilectis donum hoc (quod nonnulli velut jure suo exigunt)concesserit, tanquam ad assequendam Perfectionem non necessarium.

Res ipsa est, quod DEUS voluerit plerosque suorum servorum, orandi studio addictorum, esse similes Sponso in sacro Epithalamio, cui nunc fons, nunc puteus attribuitur: *Fons hortorum, Puteus aquarum viventium, que fluunt impetu de Libano.* Voluit enim, ut modò laborarent in haurienda per Orationem cœlestis consolationis aqua, alias autem non laborarent. Ita omnino existimavit Gilbertus Abbas.

Serm. 47. Abbas. *Sicut & puteus sapientiae, ita & Fons sapientiae le-*  
*in Cant. gitur, & fortè in his duobus geminus ejus modus exprimitur,*  
*Unus qui fit per investigationem, alter, qui fit per inspira-*  
*tionem. Fontis aquæ ultro prorumpunt. In Puteo vero terra*  
*prærumpitur moles, & soliditas penetratur, ut ad aquam vi-*  
*vam pertingas; utraque alteri necessaria est, & industria gra-*  
*tiae, & gratia industria, & vicariam opem sibi communicant.*  
*Quæ elegantior discriminis ratio inter meditantem & con-*  
*templantem cogitari potuit? Nihil autem hinc apparet cla-*  
*riùs, quām quod non sit aliud ac diversum bonum, quod*  
*meditando, ab illo, quod contemplando quæritur: hoc*  
*enim utrobique est eadem Divinæ sapientiæ aqua. Totum*  
*discrimen in modo est; in uno cum labore, in altero sine*  
*labore scaturit. Utrobique gratia præcipuum locum ha-*  
*bet, dum vel tollit laborem, vel sufficienes ad hunc vires*  
*subministrat. Quando labore & difficultatem aufert,*  
*magis apparet opera gratiæ, quām laboris; eaque causâ*  
*Contemplatio magis tribuitur gratiæ, quām Meditatio.*  
*Quando vires subministrat, magis se prodit opera industria;*  
*quām gratiæ: & idcirco etiam Meditatio magis tribuitur*  
*industriæ quām Contemplatio.*

Ceterū cui hoc non sit singulari solatio (dummodo  
haurire ex puteo aquam non gravetur) dum cōsiderat,  
se eandem habiturum ex puteo aquam, quæ ex fonte ma-  
nūt? *Aquam Sapientiae.* Ille solum deliraret, qui nihil un-  
quam vellet agere aliud, quām haurire aquam; nec unquam  
aquā haustā frueretur, eave in spiritus sui commodum ute-  
retur. Sed quis Hominum Sanctorum tale quid fecisse  
credi potest? & idcirco censuerunt ipsi, quod sicut Con-  
templatio aptissima est ad perficiendam animam, ita non  
minus apta sit Meditatio; non faciendo alias magnum di-  
scri-

scrimen inter Fontem & Puteum, cùm ambo ordinati essent in bonum horti. *Habetis in Puteo occultationem, in Gilberte. Fonte copiam; profusionem in Fonte, & sensuum profunditatem in Puteo; Putus altus est, sed indiget hauritorio; Fons est, & gratis fluit.*

Insolens proin res est, videre, dum homines Sancti pleno ore affirmarunt, Contemplationē non esse medium sine quo non Perfectionis pro eo, qui ad eam aspirat, sed quod hunc ad finem sufficiat etiam Meditatio, inventum, esse hominem, qui omni metu victo, tandem hoc suis in libris negare non sit veritus, pietatis erga Animas prætextu, quas ille hac de causa videat multum laborare & parum proficere.

S. Ignatius, qui Manresana in spelunca tantum accepit luminis, ut ejus vigore crederet se fortē fatis fore ad sustinendas veritates Fidei, si Mundus omnis à vera Religione deficeret, illasque veritates impugnaret; eodem tempore magnum illum librum suorum Exercitiorum scripsit, dictatum sibi non ab insigni in literis peritia, quarum tam erat rudis, ut vix literarum formate elementa nōsset, non à multa speculatione, non ab experientia, sed ex ipso Mariæ DEI Matris ore, ut inter nos constantissimum est. Et Lud. de tamen ille totus Meditationibus constat. Nec putandum, Ponte in quod eum Sanctus aliorum tantum bono scriperit, & non <sup>vita P.</sup> Bal, Al- varez c 49

S arma,

arma, quorum dein ministerio & vi tam multorum animos expugnarent. An non palam est, debuisse libri illius Sanctitatem Mundo notam fieri Apostolicæ Sedis oraculo, promulgato per diploma, quod Paulus Tertius Pontifex Maximus dedit? & quâ id causâ; nisi quia quotidie tam insolitæ, tam inauditæ, tam repentinæ fiebant conversiones Animarum, dum Orandi methodo, quem liber ille tradit, Mortales utebantur, ut Invidi passim aut chartis consignarent, aut murmurarent, non doctrinam divinam, sed præstygias, & magica carmina eo libro contineret?

S. Philippus Nerius (cujus hac occasione mentionem fieri æquisimum est, non minùs, quām alterius cuiuslibet, ob insignia prorsus dona, quibus à DEO præventus est) quid facere consueverat? *Nunquam ferè non sese exercitabat in Meditatione cruciatum, ac mortis Christi Servatorū nostri.* Et tamen an non ille contemplari semper poterat purum purissimum DEUM? Mihi quidem id dubium non est. Sed sincerus gestorum ejus Scriptor, qui tantā alias accuratione & diligentia in ea historia scribenda usus est, non afferit, Sanctum sic contemplari solitum; afferit tamen, *nunquam ferè non solitum se exercitare in Meditatione Passionis Christi.*

**Perr. Jaco-** At nunquid saltem caverit diligenter bus Bacci Sanctus certos quosdam modos, qui indicio sunt, quod sic in vita San- orans sensile quidpiam consecetur? Quim imò lego, soli-  
**cti l. 2. c. 1.** tum illum penes se habere simulacrum Christi in Crucem

**n. 21.** suffixi, avulsum tamen à Crucis ligno, ut tantò commodius affectibus accensi sui cordis in ea exercitatione indulgere posset. Tam ille nihil faciebat accusationem, quasi hac ratione rei sensili adhæreret, et si hoc tantum viam nobis sternat, quâ propius accedamus ad DEUM. Hinc, quia nondum audierat optimus senex, uti Precibus jaculatoriis

idem

idem esse, ac deserto fonte rivulos conjectari, toto iis die  
occupabatur, haud secus ac si his ipsi rivis opus esset ad ve-  
niendum ad fontem. Alias inter ejus sortis formulas hæc I.2.c.1.n.3  
ipsi perquam crebro in ore erat, ad DEIparam relata. Ma-  
ria Mater DEI intercede pro me apud JESUM. Curabat, ut  
qui suas apud eum noxas pro sacro tribunali deponebant,  
ad globulorum numerum dictam formulam repeterent, &  
ipsemet (audiant piarum ejusmodi consuetudinum vitu-  
peratores) ipsemet, inquam ipsissimus ille Philippus, qui  
eò pervenit, ut quadraginta ipsas horas, Juvenis etiam-  
num, in perpetua Contemplatione transigeret, ille, qui  
media hieme cogebatur aperto esse sinu pectoris, ob flam-  
mas, quibus intus ardebat; ille, qui media nocte cogeba-  
tur ob importunam applicationem, querere aliquem, cu-  
jus ope animum ad alia transferret: ille, qui toties dignus  
à D E O habitus est, dum operatoria illa inter sacrifican-  
dum pronuntiabat verba, ut totus illi cæli Paradisus pan-  
deretur; ille inquam ipse post raptus illos sublimissimos,  
quibus in densa Populi corona in ipsa adeò Vaticana Basí-  
lica, repente à terra sublatus in altum conspectus est, quid  
multis? ille ipse seruum globulorum semper versabat manu,  
ut quoties poterat, ad ejus globulos iteraret caram illam su-  
am jaculatoriam; quæ innumeris ejus imitatoribus mirum  
quantum attulit emolumenti. Usque adeò verum est, in  
ca fuisse sententia Philippum, quod Meditandi exercitatio  
utilis esset, non tantum ad profectum, sed ad ipsam etiam  
perfectionem, id quod hodie aliqui ferre non possunt, vel  
verosimile censeri. Hinc unus eorum aliquis, magno ac-  
census Zelo, cùm cerneret vulgus Christianorum non habere  
tantum, ut ille loquitur animi ut ad illam Fidei puritatem  
assureret, quam ipse reperit in simplici illo obtutu fixo,

S 2

quem

quem explicavit; rogat expertos, rogat prudentes, rogat Theologos, ut in ejus cognitionem passim alios ducere co-  
nentur, ad liberandum hac ratione Populum Christianum  
à jugo Orationum vocalium, quæ sine numero ipsis præ-  
piuntur, nec non Meditationum, oblationum, ad fasti-  
dium usque inculcatarum: quales juxta hanc doctrinam  
fuisse necesse est tot illas S. Philippi jaculatorias, quarum  
totæ coronæ texebantur. Quamquam non vulgo tantum  
Christianorum, sed Nobilissimis etiam quibusque eas San-  
ctus inculcabat.

De S. Carolo mentionem facere necesse non est. Suxit  
ille primum solidæ Sanctitatis lac ex uberibus Meditatio-  
num, quarum paulò ante meminitus, S. Ignatij, & tanto  
earum studio exarsit, ut, quamdiu vixit, semel saltem quot  
annis ad eas regustandas accesserit, Infantis instar ad ube-  
rum dulcedinem identidem redeuntis. *Reliquo tempore,*  
*meditabatur crebrò* (ut narrat in vita historiæ Giussanus) *Pas-*  
*sionem Christi Servatoris, erga quam singulari pietatis affectu*  
*ferebatur in varia illam puncta partiendo.* Nec isto contentus,  
librum sibi formaverat multorum diversorum foliorum, in  
quibus omnia ejus mysteria pœta erant, ut paratas omni mo-  
mento haberet, imò oculis ipsis representatas res, quas Medi-  
tari volebat. Et ne quisquam sibi persuadeat, quod id ille  
faceret singulari quodam & tenero erga Servatoris sui Pas-  
sionem affectu, cuius in monte Varallo tam pia & luculen-  
ta reliquit monumenta, addit statim idem author, quod  
ille haberit collectam quodammodo sylvam multorum aliorum  
argumentorum, quæ in brevia puncta erat partitus pro usu  
Orationis, quorum plura volumina ab ejus morte sunt reperta.  
Subinde autem minutim & exactè describit recessum, in  
quem se Sanctus abdidit sub ultimos vitæ suæ dies, quando  
cum

cum aliis familiaribus suis, qui cum ipso in illam Varalli montis solitudinem se contulerant, cuiuslibet diei vespere accipiebat ex ore Patris Adorni, intimi sui, *puncta, de quibus institui debebat Meditatio*, sub tempus matutinum; manè verò illa, de quibus sub vespere erat instituenda <sup>l. 7. c. 11.</sup> *Meditatio*. Unde constat voluisse virum Sanctissimum eodem lacte consummatam suam Sanctitatem corroborare, quo illam primò adolescentem nutritio cœperat.

Non alia ab his fuerunt sensa S. Cajetani, qui avelli nunquam poterat ab obtutu suffixi in crucem Servatoris sui. Non alia S. Francisci Xaverij, non alia S. Francisci Borgiae, non S. Claræ de monte Falco, non tam multorum aliorum Sanctorum, quorum accuratum hic velle catalogum texere, & suas velut in acies distributos recensere, labor est inutilis, aptus servire potius ad pompam, quam ad rem, de qua agimus, comprobandam.


## II.

**Q**uis proin persuadere sibi posset, non obstante hac tantorum Sanctorum autoritate, fieri posse, ut inveniatur, qui afferens & præscribens sublimissima orandi præcepta, non dubitaret &c.; Sed, heu me! necesse est, ut hic intersistat spiritus meus ad vires colligendas. Objectiones siquidem, quæ illi velut ex accidenti confutandæ sunt, tanquam obliquè directæ ad improbanda & damnanda exempla tam illustrium Sanctorum, quos laudavi, tam primo aspectu crudæ sunt, tam horribiles, ut stent mihi comæ, penitusque obstupescam. Quam libens proin me densas in latebras abderem, ut finarem interim illas suâ abire viâ, quin ullo indicio illas à me vel conspectas proderem: ma-

S 3

xime

ximè ex quo non immeritò metuere debo, ne quam ipse  
mihi molestiam facebam, magno illo animo, quem pre  
meferam eas lacebendo. Verùm videor mihi nimis aperte  
proditurus causam mei JESU, si id ego facerem. Utter  
enim dissimulatione abjectā potius, quàm Christianā. Ac  
proinde stat fixum, audacter lacebère singulas. At quo id  
fine? non alio, quàm ut larvam ipsis detrahām, non pie-  
tatis tantū, sed etiam Perfectionis, sub qua, si-  
quo modo possent, cuperent spectantium  
se oculis offerre.



## Caput XII.

*Retegitur ex occasione falsas aliquorum axiomatum,  
que referuntur ad exponendos contemptui eos, qui circa Chri-  
stum utuntur tribus facultatibus interioribus, more  
potius eorum, qui meditantur, quàm qui  
contemplantur.*

### I.

**Q**uis proinde sibi persuaderet, repeto, quis sibi per-  
suaderet, non obstante hac tantorum Sanctorum  
authoritate, quorum ante meminimus, non defore-  
tamen aliquem, qui, ut elevet autoritatem eorum, qui  
dictos Santos hodie imitantur in modo ipsorum Orandi,  
non dubitaret tandem prorumpere in hæc verba, quorum  
censuram omnem pij lectoris judicio relinquam: *Ad quid  
pascere se constanter hisce mysteriis, hisce miraculis, hisce ver-  
bis JESU Christi?* Fateor equidem me perceptis ejusmodi  
verbis